



Uunga: Inatsisartunut Ilaasortamut
Aqqalu C. Jerimiassen
Atassut

25-06-2021
Sags nr. 2021 - 11566
Akt. id. 17118344

Postboks 970
3900 Nuuk
Tlf. (+299) 34 50 00
Fax (+299) 34 66 66
E-mail: isn@nanoq.gl
www.naalakkersuisut.gl

Utoqqaat illersuisuat pillugu § 37-mik apeqquteqaat nr. 78-2021-imut akissuteqaat

Asasara Aqqalu C. Jerimiassen.

Apeqqutinut qujanaq. Ataani apeqqutit ataasiakkaarlugit allattugaapput, akissutaannik malitseqartillugit.

- 1. 1. marts 2021-imiit utoqqaat illersuisoqarsimangillat. Utoqqaat illersuisuannik nutaamik atorfinitsisinissamik Naalakkersuisut pilersaaruteqarnerlutik?**

Aap. Atorfik inuttassarsiuunneqalereerpoq.

- 2. Utoqqaat illersuisuattut sulinermit pitsanngorsaataasinnaasunik 2022-imut aningaasanut inatsimmi aningaasanik amerlanerusunik immikkoortitsinissaq pillugu Naalakkersuisut pilersaaruteqarnerlutik?**

Naalakkersuisut aningaasaqarnermut politik-ertik, aningaasaqarnermut inatsisissatut siunnersuutitut, politik-ikkut aningaasaqarnermut nalunaarutitut, periusissiatut, tamanut aamma Inatsisartunut saqqummiutissavaat. 2022-imi utoqqaat illersuisuannut aningaasaliissutaasussat, 2021-imi ukiakkut ataatsimiinneq sioqqullugu tamanut saqqummiunneqartussami 2022-imut Aningaasaqarnermut Inatsisissatut Siunnersuummi aalajangersarneqassapput. Aningaasaqarnermut Inatsisissatut Siunnersuummik saqqummiussinissap tungaanut ukiuni tulluuttuni suliniutinut ataasiakkaanut, pineqartoq aningaasaliiffigisassaq pillugu Naalakkersuisut sukumiinerusumik paasisutissiisinaangillat.

- 3. Utoqqalinersiat eqqarsaatigalugit kiisalu kiffartuussinermut tunngatillugu utoqqarnut atugassarititaasut pitsanngorsarnissaat pillugit Naalakkersuisut sunik pilersaaruteqarpat?**

Utoqqarnut atugassarititaasut pitsanngorsarniarlugit Naalakkersuisut sulissuteqarput. 2021-imi ukiami utoqqaat pillugit periusissiaq nutaaq Naalakkersuisut aallaartinniarpaat.

Inussiarnersumik inuulluaqqusillunga

Mimi Karlsen